

## **O b r a z l o ž e n j e**

### **Odluke o izmjenama i dopunama Budžeta Grada Tuzla za period 01.01. - 31.12.2025. godine**

Gradsko vijeće Tuzla je na sjednici održanoj 04.02.2025. godine donjelo Odluku o izmjeni odluke o komunalnim djelatnostima („Službeni glasnik Grada Tuzla“, broj: 2/25), kojom je utvrđeno da će se do momenta osnivanja javnog preduzeća (čiji će osnivač biti Grad Tuzla), usluga javnog linijskog prevoza putnika na području grada Tuzle povjeriti pravnom licu na osnovu ugovora, a po provođenju procedure javnog poziva, za koji je saglasnost na istoj sjednici dalo Gradsko vijeće Tuzla.

Na osnovu usvojenih odluka Služba za komunalne poslove, izgradnju i poslove mjesnih zajednica Grada Tuzla objavila je dana 07.02.2025. godine javni poziv za privremeno povjeravanje obavljanja komunalne djelatnosti javnog linijskog prijevoza putnika na području grada Tuzle. Krajnji rok za dostavljanje ponuda na ovaj javni poziv bio je 04.03.2025. godine. Obzirom da je po otvaranju jedine pristigle ponude, dostavljene od strane ponuđača „Centrotrans“ DD Sarajevo sa kooperantom „Transturistr“ DD, od strane komisije ustanovljeno da ista ne zadovoljava uvjete date u javnom pozivu, Služba za komunalne poslove, izgradnju i poslove mjesnih zajednica obratila se Službi za budžet i finansije sa zahtjevom za rebalans Budžeta Grada Tuzle za 2025. godinu broj zahtjeva: 05/11-19-368/25-HR od 14.03.2025. godine. Ovim zahtjevom je tražena izmjene u budžetu u cilju osiguranja kontinuiteta i kvaliteta u obavljanju javnog linijskog prevoza na području grada, na način da se u Budžetu Grada Tuzle za 2025. godinu obezbijede sredstva za provođenje javne nabavke usluge javnog linijskog prevoza putnika na području grada, na način da se potreban iznos obezbijedi iz prihoda od prodaje karata i preraspodjelama unutar usvojenog budžeta Grada Tuzle za 2025. godinu.

Kako je Gradsko vijeće Tuzle na sjednici održanoj dana 25.02.2025. godine usvojilo Budžet Grada Tuzle za period 01.01.-31.12.2025. godine i Odluku o izvršavanju Budžeta Grada Tuzle za 2025. godine za navedene izmjene i dopune budžeta bilo je potrebno pristupiti izradi Odluke o izmjenama i dopunama Budžeta Grada Tuzle za period 01.01.-31.12.2025. godine.

Razlozi za predlaganje ove Odluke su:

1. Obezbjeđivanje potrebnih sredstava u Budžetu Grada Tuzle za 2025. godinu za potrebe provođenja postupka javne nabavke usluge javnog linijskog prevoza putnika na području grada Tuzle uz sufinansiranje iz budžeta Grada Tuzle i
2. Uvrštavanje ostvarenih tekućih i kapitalnih transfera od viših nivoa vlasti u Budžet Grada Tuzla za period 01.01.-31.12.2025.godine, a koji su doznačeni na jedinstveni račun trezora nakon usvajanje budžeta Grada tuzle za 2025. godinu.

Članom 15. Zakona o principima lokalne samouprave u FBiH propisana je obaveza Gradonačelnika u postupku izrade budžeta, a članom 25. Statuta Grada Tuzle i članom 13. Zakona o principima lokalne samouprave u Federaciji Bosne i Hercegovine utvrđena je nadležnost Gradskog vijeća da donese (usvoji) budžet grada, a time i njegove izmjene i dopune.

Postupajući u skladu sa sadržajem navedenih pravnih akata, Služba za budžet i finansije je obradila i pripremila, a Gradonačelnik Grada Tuzle utvrdio Prijedlog Odluke o izmjenama i dopunama Budžeta Grada Tuzle za period 01.01.-31.12.2025. godine i uputio Gradskom vijeću na razmatranje

Ovom Odlukom o izmjenama i dopunama Budžeta Grada Tuzle za 2025. godinu, predlaže se ukupno uvećanje sredstava u iznosu od 1.341.623,88 KM ili za 1,47 % u odnosu na prihode i primitke utvrđene budžetom.

**A/ IZMJENE SREDSTAVA BUDŽETA PO OSNOVU PRIHODA**

Ovom Odlukom predlaže se ukupno povećanje prihoda u Budžetu Grada Tuzle za period 01.01.-31.12.2025. godine u iznosu od 1.341.623,88 KM, što je više za 1,47 % u odnosu na prihode utvrđene Budžetom. Uvećanja se vrše na sljedećim pozicijama:

| SREDSTVA BUDŽETA                     | BUDŽET               | REBALANSIRANI BUDŽET | POVEĆANJE/ UMANJENJE SREDSTAVA | % UVEĆANJA/ UMANJENJA |
|--------------------------------------|----------------------|----------------------|--------------------------------|-----------------------|
| 1                                    | 2                    | 3                    | 4                              | 5                     |
| PRIHODI I PRIMICI                    | 77.114.507,63        | 78.456.131,51        | 1.341.623,88                   | 1,74                  |
| PRIMICI OD KREDITA                   | 2.476.201,37         | 2.476.201,37         | 0,00                           | 0,00                  |
| PROCIJENJENI SUFICIT IZ 2024. GODINE | 11.547.626,11        | 11.547.626,11        | 0,00                           | 0,00                  |
| <b>UKUPNO</b>                        | <b>91.138.335,11</b> | <b>92.479.958,99</b> | <b>1.341.623,88</b>            | <b>1,47</b>           |

Naredna tabela prikazuje pregled predloženih izmjena u dijelu prihoda i primitaka:

| STRUKTURA PRIHODA I PRIMITAKA                                           | BUDŽET            | REBALANSIRANI BUDŽET | POVEĆANJE/ SMANJENJE | % UVEĆANJA/ UMANJENJA |
|-------------------------------------------------------------------------|-------------------|----------------------|----------------------|-----------------------|
| 1                                                                       | 2                 | 3                    | 4                    | 5                     |
| <b>OPŠTI FOND</b>                                                       |                   |                      |                      |                       |
| Prihodi od pružanja usluga građanima                                    | 5.000,00          | 1.255.000,00         | 1.250.000,00         | 25.000,00             |
| Primljeni tekući transferi od međunarodnih organizacija (V pozicija)    | 78.809,72         | 128.809,72           | 50.000,00            | 63,44                 |
| Primljeni kapitalni transferi od međunarodnih organizacija (V pozicija) | 0,00              | 20.000,00            | 20.000,00            | 0,00                  |
| <b>OPŠTI FOND</b>                                                       | <b>83.809,72</b>  | <b>1.403.809,72</b>  | <b>1.320.000,00</b>  |                       |
| <b>PRIHODI JAVNIH USTANOVA</b>                                          |                   |                      |                      |                       |
| <b>JU Centar za socijalni rad Tuzla</b>                                 |                   |                      |                      |                       |
| Primljeni tekući transferi od Federacije (V pozicija)                   | 600.000,00        | 611.553,00           | 11.553,00            | 1,93                  |
| Transfer od kantonalne Službe za zapošljavanje (V pozicija)             | 0,00              | 10.070,88            | 10.070,88            | 0,00                  |
| <b>Ukupno JU Centar za socijalni rad Tuzla</b>                          | <b>600.000,00</b> | <b>621.623,88</b>    | <b>21.623,88</b>     |                       |
| <b>UKUPNO JAVNE USTANOVE</b>                                            | <b>600.000,00</b> | <b>621.623,88</b>    | <b>21.623,88</b>     |                       |
| <b>UKUPNO OPŠTI FOND SA JU</b>                                          | <b>683.809,72</b> | <b>2.025.433,60</b>  | <b>1.341.623,88</b>  |                       |

## 1. Neporezni prihodi

Ukupni neporezni prihodi Budžeta Grada Tuzle za 2025. godinu ovim prijedlogom Izmjena i dopuna budžeta uvećavaju se za 1.250.000,00 KM na poziciji Prihodi od pružanja usluga građanima. Radi se o prihodima koji se planiraju ostvariti iz prodajne cijene karata za uslugu javnog linijskog prevoza putnika na području grada Tuzle.

## 2. Tekući i kapitalni transferi

Uvećanje prihoda po osnovu tekućih i kapitalnih transfera izmjenama i dopunama Budžeta Grada Tuzle za 2025. godinu vrši se u Opštem fondu u ukupnom iznosu od 91.623,88 KM. Sredstva se po ovom osnovu uvrštavaju u budžet za realizaciju projekta „URBACT Pioners Accelerator“ – sredstva međunarodnih organizacija.

JU Centar za socijalni rad Tuzla od viših nivoa vlasti dobio je sredstva za realizaciju programa zaštite od cyber nasilja u osnovnim školama u iznosu od 11.553,00 KM i od kantonalne Službe za zapošljavanje iznos od 10.070,88 KM, na ime sufinansiranja obavljanja stručnog osposobljavanja bez zasnivanja radnog odnosa boraca i članova njihovih porodica.

## B/ IZMJENE RASHODA BUDŽETA

Ukupno povećanje sredstava u iznosu od **1.341.623,88 KM** Odlukom o izmjenama i dopunama Budžeta Grada Tuzla za period 01.01.- 31.12.2025. godine u dijelu rashoda raspoređuje se po organizacionim jedinicama kako je navedeno u daljem tekstu Obrazloženja.

U narednoj tabeli dat je pregled budžetskih pozicija na kojima se Odlukom o izmjeni i dopuni Budžeta Grada Tuzle za period 01.01.-31.12.2025. godine predlažu izmjene, a iz sredstava za koje je budžet uvećan

| R.br | KONTO    | BUDŽETSKI<br>RASHODI/IZDACI                                                  | BUDŽET            | REBALANSIRANI<br>BUDŽET | UVEĆANJE<br>/UMANJENJE | % UVEĆANJA<br>/UMANJENJA |
|------|----------|------------------------------------------------------------------------------|-------------------|-------------------------|------------------------|--------------------------|
| 0    | 1        | 2                                                                            | 3                 | 4                       | 5                      | 6                        |
|      |          | <b>OPŠTI FOND</b>                                                            |                   |                         |                        |                          |
| I    |          | <b>Gradsko vijeće-Sredstva<br/>za rad Gradske izborne<br/>komisije</b>       |                   |                         |                        |                          |
|      | 613910   | Ugovorene usluge                                                             | 50.000,00         | 5.000,00                | -45.000,00             | -90,00                   |
|      | 613976-3 | Naknade biračkim odborima i<br>tehničkom osoblju                             | 140.000,00        | 10.000,00               | -130.000,00            | -92,86                   |
|      | 613976-4 | Ostale ugovorene usluge                                                      | 40.000,00         | 5.000,00                | -35.000,00             | -87,50                   |
|      |          | <b>UKUPNO</b>                                                                | <b>230.000,00</b> | <b>20.000,00</b>        | <b>-210.000,00</b>     |                          |
| II   |          | <b>Stručna služba za poslove<br/>gradonačelnika-<br/>DONATORSKA SREDSTVA</b> |                   |                         |                        |                          |
|      | 611100   | Bruto plaće-vlastita sredstva                                                | 175.837,11        | 195.837,11              | 20.000,00              | 11,37                    |
|      | 613100   | Putni troškovi - vlastita<br>sredstva                                        | 35.800,00         | 55.800,00               | 20.000,00              | 55,87                    |
|      | 613400   | Nabavka materijala - vlastita<br>sredstva                                    | 29.279,68         | 39.279,68               | 10.000,00              | 34,15                    |
|      | 821300   | Nabavka opreme                                                               | 75.000,00         | 75.700,00               | 700,00                 | 0,93                     |
|      | 821300   | Nabavka opreme - vlastita<br>sredstva                                        | 320.560,38        | 340.560,38              | 20.000,00              | 6,24                     |
|      |          | <b>UKUPNO</b>                                                                | <b>636.477,17</b> | <b>707.177,17</b>       | <b>70.700,00</b>       |                          |

| R.br | KONTO     | BUDŽETSKI RASHODI/IZDACI                                                                    | BUDŽET              | REBALANSIRANI BUDŽET | UVEĆANJE /UMANJENJE | % UVEĆANJA /UMANJENJA |
|------|-----------|---------------------------------------------------------------------------------------------|---------------------|----------------------|---------------------|-----------------------|
| 0    | 1         | 2                                                                                           | 3                   | 4                    | 5                   | 6                     |
| III  |           | <b>Odjeljenje za komunalnu infrastrukturu</b>                                               |                     |                      |                     |                       |
|      | 613324-3  | Izdaci za rad zimske službe                                                                 | 770.000,00          | 385.000,00           | -385.000,00         | -50,00                |
|      | 613524    | Izdaci za troškove javnog linijskog prevoza putnika na području grada Tuzle                 | 0,00                | 2.739.119,00         | 2.739.119,00        | 0,00                  |
|      | 613725-2  | Izdaci za održavanje oborinske kanalizacije                                                 | 320.000,00          | 160.000,00           | -160.000,00         | -50,00                |
|      | 613726    | Izdaci za tekuće održavanje javne rasvjete                                                  | 700.000,00          | 540.000,00           | -160.000,00         | -22,86                |
|      | 613997    | Izdaci za PDV                                                                               | 10.000,00           | 192.000,00           | 182.000,00          | 1.820,00              |
|      | 823331    | Otplata kredita                                                                             | 756.819,00          | 0,00                 | -756.819,00         | 0,00                  |
|      |           | <b>UKUPNO</b>                                                                               | <b>2.556.819,00</b> | <b>4.016.119,00</b>  | <b>1.459.300,00</b> |                       |
| IV   |           | <b>Služba za opću upravu i zajedničke poslove</b>                                           |                     |                      |                     |                       |
|      | 613600    | Unajmljivanje imovine i opreme                                                              | 0,00                | 1.500,00             | 1.500,00            | 0,00                  |
|      | 613910    | Ugovorene usluge                                                                            | 123.100,00          | 121.600,00           | -1.500,00           | -1,22                 |
|      |           | <b>UKUPNO</b>                                                                               | <b>123.100,00</b>   | <b>123.100,00</b>    | <b>0,00</b>         |                       |
| V    |           | <b>JU Centar za socijalni rad Tuzla</b>                                                     |                     |                      |                     |                       |
|      | 613910    | Ugovorene usluge – vlastita sredstva                                                        | 0,00                | 1.553,00             | 1.553,00            | 0,00                  |
|      | 613973-10 | Izdaci za lica na stručnom osposobljavanju bez zasnivanja radnog odnosa – vlastita sredstva | 0,00                | 10.070,88            | 10.070,88           | 0,00                  |
|      | 613976-4  | Ostale ugovorene usluge – vlastita sredstva                                                 | 8.000,00            | 18.000,00            | 10.000,00           | 125,00                |
|      |           | <b>UKUPNO</b>                                                                               | <b>8.000,00</b>     | <b>29.623,88</b>     | <b>21.623,88</b>    |                       |
|      |           | <b>UKUPNO OPŠTI FOND</b>                                                                    | <b>3.554.396,17</b> | <b>4.896.020,05</b>  | <b>1.341.623,88</b> |                       |

| R.br. | KONTO    | RASHODI/IZDACI                                               | BUDŽET     | REBALANSIRANI BUDŽET | UVEĆANJE /UMANJENJE | % UVEĆANJA /UMANJENJA |
|-------|----------|--------------------------------------------------------------|------------|----------------------|---------------------|-----------------------|
| 0     | 1        | 2                                                            | 3          | 4                    | 5                   | 6                     |
|       |          | <b>FOND ZA KOMUNALNU INFRASTRUKTURU</b>                      |            |                      |                     |                       |
| I     |          | <b>Služba za komunalne poslove, izgradnju i poslove MZ-a</b> |            |                      |                     |                       |
| R.br. | KONTO    | RASHODI                                                      | BUDŽET     | REBALANSIRANI BUDŽET | UVEĆANJE /UMANJENJE | % UVEĆANJA /UMANJENJA |
| 0     | 1        | 2                                                            | 3          | 4                    | 5                   | 6                     |
|       | 821222-2 | Izgradnja mostova                                            | 500.000,00 | 250.000,00           | -250.000,00         | -50,00                |
|       | 821222-3 | Izgradnja i rekonstrukcija semaforne signalizacije           | 160.840,00 | 60.840,00            | -100.000,00         | -62,17                |
|       | 821300   | Nabavka opreme - Urbani mobilijar                            | 499.933,23 | 299.933,23           | -200.000,00         | -40,01                |

| R.br | KONTO    | BUDŽETSKI RASHODI/IZDACI                                                   | BUDŽET              | REBALANSIRANI BUDŽET | UVEĆANJE /UMANJENJE | % UVEĆANJA /UMANJENJA |
|------|----------|----------------------------------------------------------------------------|---------------------|----------------------|---------------------|-----------------------|
| 0    | 1        | 2                                                                          | 3                   | 4                    | 5                   | 6                     |
|      | 821612-1 | Rekonstrukcija cesta                                                       | 50.000,00           | 10.000,00            | -40.000,00          | -80,00                |
|      | 821618-1 | Rekonstrukcija vodovodne i kanalizacione mreže i objekata vodosnabdjevanja | 150.763,11          | 110.763,11           | -40.000,00          | -26,53                |
|      | 821622-1 | Investiciono održavanje cesta                                              | 3.750.421,78        | 3.723.602,78         | -26.819,00          | -0,72                 |
|      | 821629-1 | Investiciono održavanje sportskih terena                                   | 820.000,00          | 720.000,00           | -100.000,00         | -12,20                |
|      | 823331   | Otplata kredita                                                            | 636.360,00          | 1.393.179,00         | 756.819,00          | 118,93                |
|      |          | <b>UKUPNO</b>                                                              | <b>6.568.318,12</b> | <b>6.568.318,12</b>  | <b>0,00</b>         |                       |
|      |          | <b>UKUPNO FOND ZA KOMUNALNU INFRASTRUKTURU</b>                             | <b>6.568.318,12</b> | <b>6.568.318,12</b>  | <b>0,00</b>         |                       |

U Posebnom dijelu Budžeta Grada Tuzle za period 01.01.-31.12.2025. godine u kojem su rashodi budžeta iskazani po ekonomskim kodovima i organizacijskim jedinicama osim vrijednosno manjih preraspodjela unutar službi za Opću upravu i zajedničke poslove i Stručne službe za poslove gradonačelnika sve ostale izmjene vezane su za obezbjeđenje potrebnih sredstava za provođenje postupka javne nabavke usluge javnog linijskog prevoza putnika na području grada Tuzle uz sufinansiranje iz budžeta Grada Tuzle.

Svojim zahtjevom Služba za komunalne poslove, izgradnju i poslove mjesnih zajednica predložila je da se sredstva neophodna za provođenje postupka javne nabavke usluge javnog linijskog prevoza putnika na području grada Tuzle u iznosu od 2.921.119,00 KM, pored toga što će se dijelom finansirati iz prihoda od prodatih karata, obezbjede i unutrašnjom preraspodjelom u okviru fondova ove službe tako što će se umanjiti tekući izdaci za rad zimske službe, za održavanje oborinske kanalizacije i za održavanje javne rasvjete. Sredstva planirana za otplatu kredita Razvojne banke za koja je planirano da se relizuju iz sredstava Opšteg fonda ovom izmjenom budžeta realizovaće se iz sredstava Fonda za komunalnu infrastrukturu – poseban račun, a uz istovremeno umanjeње plana kapitalnih izdataka Fonda za komunalnu infrastrukturu – poseban račun, na način kako je predložila Služba za komunalne poslove, izgradnju i poslove mjesnih zajednica, a što je prezentovano u tabeli iznad.

Preostala neophodna sredstva u iznosu od 210.000,00 KM, a nakon obavljenih konsultacija obezbjeđena su unutarnjom preraspodjelom sa Gradske izborne komisije.

Ovo obrazloženje je prilog Odluke o izmjenama i dopunama Budžeta Grada Tuzle za period 01.01.-31.12.2025. godine. Uz ovo Obrazloženja Odluke o izmjenama i dopunama Budžeta Grada Tuzle za period 01.01 - 31.12.2025. godine dostavlja se tabelarni pregled Budžeta Grada Tuzle za 2025. godinu u kome su iskazane izvršene izmjene i dopune visine utvrđenih sredstava u Budžetu Grada Tuzle za 2025.godinu.

Tuzla, mart 2025. godine

**SLUŽBA ZA BUDŽET I FINANSIJE**